

摘藻堂四庫全書薈要

集部

欽定四庫全書薈要

御選歷代詩餘卷七目錄

四十二字

浣溪沙

下

范成大

五首

陳三聘

四首

黃公度

張孝祥

二首

程垓

二首

朱熹

洪适

曹冠

吳儆

四首

管鑑

陸游

楊炎

劉鎮

鄭域

韓澆

二十首

汪莘

方岳

楊澤民

吳文英

陳允平

七首

周密

三首

張炎 二首

石孝友 四首

張桂

張槃

楊彥齡

陳德武

薛夢桂

毛珮

趙君舉

江開

何夢桂  
二首

李彭老

無名氏

李清照  
五首

李氏

朱淑真  
二首

珍娘

慕容崑卿妻

劉仲尹  
三首

趙可  
二首

王礪

李獻能

趙孟頫

詹正

顏奎

宋聚

邵亨貞

劉基  
七首

楊基  
五首

湯公讓

張紘

于儒穎



施紹莘 二首

夏復

錢繼登

錢繼章

馮鼎位 三首

王鳳嫺

沈宜修

葉小紈

葉小鸞 三首

周蘭秀

前調 又一體

南唐李煜

御選歷代詩餘卷七目錄

欽定四庫全書薈要卷二萬六百八十五集部

御選歷代詩餘卷七

四十二字

浣溪沙

下

浣溪沙

燭下海  
棠二首

范成大

傾坐東風百媚生  
萬紅無語笑逢迎  
照妝醒睡蠟煙輕  
綵蝶橫斜春不夜  
絳霞濃淡月微明  
夢中重到錦官

城

前調

范成大

催下珠簾護綺叢花枝紅裏燭枝紅燭光花影夜蔥籠  
錦地繡大香霧裏珠星壁月綵雲中人間別有幾春  
風

前調

新安驛席  
上留別

范成大

送盡殘春更出遊風前蹤跡似沙鷗淺斟低唱小淹留  
月見西樓清夜醉雨添南浦綠波愁有人無計戀行

舟

前調

元夕後  
三日

范成大

寶髻雙雙出綺叢  
妝光梅影各春風  
收燈時候却相逢  
魚子牋中詞婉轉  
龍香撥上語玲瓏  
明朝車馬莫西東

前調

范成大

紅錦障泥杏葉韉  
解鞍呼渡憶當年  
馬驕不肯上航船  
茅店竹籬開蔗市  
絳裙青袂斲薑田  
臨平風物故依然

前調

陳三聘

酒力先從臉暈生  
粉妝新麗笑相迎  
曉寒高護彩雲輕  
不語似愁春力淺  
有情應恨燭花明  
更于何處覓傾

城

前調

陳三聘

翠幕遮籠錦一叢  
樽前初見淺深紅  
淡雲和月影蔥籠  
醉態只疑春睡裏  
啼妝愁聽雨聲中  
更燒銀燭醉東風

前調

陳三聘

不怕春寒更出遊  
蘭橈飛動却驚鷗  
煙光佳處輒遲留  
屏曲未曾歌醉夢  
眉尖空只鎖閒愁  
從教絲柳絆行舟

前調

陳三聘

點檢尊前花影叢  
于中偏占牡丹風  
等閒言語慣迎逢  
扇影不搖珠的皦  
釵梁斜竚玉玲瓏  
夢魂長向楚江東

前調

梅

黃公度



風送清香過短牆  
煙籠晚色近修篁  
夕陽樓外角聲長  
欲去還留無限思  
輕勻淡抹不成妝  
一樽相對月生涼

前調

張孝祥

行盡瀟湘到洞庭  
楚天闊處數峰青  
旗梢不動晚風平  
紅蓼一灣紋纈亂  
白魚雙尾玉刀明  
夜涼船影浸疎星

前調

瑞香

張孝祥

臘後春前別一般梅花枯淡水仙寒翠雲裘著紫霞冠  
妙品只今推第一寶香原不自人間為君更酌小龍

國

前調

程垓

薄日移陰午暑空一杯何事使潮紅扇紈揮盡却疎慵  
早睡情懷冰枕外夜涼消息雨荷中不須留燭眩房

櫳

前調

程垓

翠葆扶疎傍藥闌  
亂飄綠沼滿書單  
清明時節又看看  
小雨勒成春尾恨  
東風偏作夜來寒  
琴心老盡不須彈

前調

醪醕

朱熹

壓架年來雪作堆  
珍叢也是近移栽  
肯令容易放春回  
却恐陰晴無定數  
從教紅白一時開  
多情蜂蝶早飛來

前調

饒范  
子芬

洪适

整頓春衫欲跨鞍一杯相屬少開顏  
愁蛾不似舊時彎  
未見兩星添柳宿忍教三疊唱陽關  
相思空望會稽

山

前調

柳

曹冠

翠帶千條蘸碧流多情不解繫行舟  
章臺惜別恨悠悠  
濕雨傷春眉黛斂倚風無力舞腰柔  
絲絲煙縷織離愁

前調

題星洲寺

吳儆

十里青山泝碧流，夕陽沙晚片帆秋。  
重重煙樹出層樓，人去人來芳草渡。  
鷗飛鷗沒白蘋洲，碧梧翠竹記曾遊。

前調

吳儆

欽浦錢塘一水通，閒雲如幙碧重重。  
吳山應在碧雲東，無力海棠風淡蕩。  
困眠宮柳日蔥蘢，眼前春色為誰濃。

前調

題餘干傳舍

吳儆

畫楯朱闌繞碧山平湖徙倚水雲寬人家楊柳帶汀灣  
目力已隨飛鳥盡機心還逐白鷗閒蕭蕭微雨晚來  
寒

前調

和鎮遠樓韻

吳儆

斜照波間濕嫩紅朱闌翠袖倚輕風平山山色有無中  
俛首微官真自縛高飛遠舉羨冥鴻何時一艇大江  
東

前調

管鑑

十日狂風特地晴  
天工著意送行人  
負他桃李十分春  
杜宇已催歸  
思亂啼鶯休惹客  
愁新晚風溪路淨  
無塵

前調

陸游

謾向寒爐醉玉瓶  
喚君同賞小窗明  
夕陽吹角最關情  
忙日苦多閒日少  
新愁常續舊愁生  
客中無伴怕君行

前調

楊炎

楊柳籠煙裊嫩黃  
桃花蘸水染紅香  
薄羅衫子日初長  
飲盡東風三百盞  
醉來愁斷幾回腸  
教人獨自遣風光

前調

丁亥錢元宵

劉鎮

簾幕收燈斷續紅  
歌臺人散綵雲空  
夜寒歸路噤魚龍  
宿醉未消花市月  
芳心已逐柳塘風  
丁寧鶯燕莫匆匆

前調

鄭域



酒薄愁濃睡不成夜長欵枕數殘更嫩寒時節過燒燈  
已自孤鸞羞對鏡未能雙鳳怕聞笙莫教吹作別離  
聲

前調

夜飲中  
明小軒

韓 澆

一曲青山映小池林疎人靜月明時相逢杯酒也相宜  
醉眼不知春事少歡情猶得漏聲遲神仙何處夢魂

飛

前調

韓 澆

寶鴨香銷酒未醒錦衾春暖夢初驚鬢雲撩亂玉釵橫  
半怯夜寒寒繡幌尚餘嬌困別銀燈粉痕微褪臉霞

生

前調

夜飲  
聽歌

韓流

小雨收晴作社寒月橋花院篆香殘杏腮桃臉黛眉彎  
歌拂燕梁牽客恨醉臨鸞鏡怕人看良宵春夢遶屏

山

前調

題美人  
畫卷

韓流

一曲霓裳舞未終  
玉釵垂額髻雲鬆  
夢回金殿月華東  
燕子鶯兒情脈脈  
柳枝桃葉恨匆匆  
羅襟空惹御香濃

前調

韓 澆

芍藥酴醿滿院春  
門前楊柳媚晴曛  
重簾雙燕語沉沉  
花映綠嬌初日嫩  
葉棲紅小晚煙昏  
輕雷不覺送微陰

前調

韓 澆

一曲西風醉木犀  
天香吹夢入瑤池  
釵橫猶記未開枝  
花重嬾舒紅笑臉  
葉稀輕拂翠顰眉  
酒醒殘月鴈聲遲

前調

韓 澆

山氣吹雲寶月涼  
園林承露菊花黃  
吾生只合醉為鄉  
張望佳人因共賦  
分明佳節是重陽  
酒邊猶發少年狂

前調

韓 澆

莫問星星鬢染霜一杯同看月昏黃  
放歌漁父濯滄浪  
却憶手栽雙柳句真成雲漢挾天章  
蘇仙何在立蒼茫

前調

過虛中之

韓澆

梅葉陰陰占晚春博山香燼玉嶙峋  
茶甌酒椀試濡脣  
閒裏常愁無伴侶老來不是有情人  
牡丹天氣惜芳

辰

前調

韓澆

買得船兒去下湖這些天氣近來無清和風裏綠陰初  
酒不為渠閒放蕩詩應嫌我太麤疎酒徒詩社復何

如

前調

韓 澆

錦瑟瑤琴續斷絃璧堂初過牡丹天玉鈎斜壓小珠簾  
睡鴨爐溫吟散後雙鴛屏掩酒醒前一番春事怨啼

鵑

前調

韓 澆

春入疎絃調外聲  
雪雲初霽帶湖清  
屏溫香軟綺窗深  
山倚虛寒情澹澹  
水流輕淺韻泠泠  
斷魂醒處夢難憑

前調

十六  
夜

韓 澆

荆楚誰言鏡聽詞  
燭花影動畫簷低  
燒燈天氣醉為期  
雨濕杏腮疑簌簌  
風迷柳眼半依依  
小山西路板橋

西

前調

韓 澆

分付心情作上元不知投老在林泉誰將邨酒勸觥船  
月影靜搖風柳外霜華寒浸雪梅邊醉敲烏帽忽醒  
然

前調

韓 澆

宋玉悲秋合反騷陶潛把菊任持醪山遙遙外水蕭蕭  
夢不到時詩自在興難忘處恨全消香沉沉裏蕊飄  
飄

前調

沙溪  
小飲

韓 澆



一抹青山拍岸溪，  
麥雲將過筍初齊。  
不知處水流西  
小閣路頭吾欲醉，  
短篷船底客同攜。  
酒邊華髮更題

詩

前調

韓 澆

水遶孤邨客路賒，  
一樓風雨角巾斜。  
舉觴無復問煎茶。  
夜靜曲聲初噴竹，  
酒深燭影細吹花。  
明朝飛鷺起圓

沙

前調

寄李叔謙

韓 澆

絲筆新題字字香鴈來時候燕空梁芙蓉無處著秋光  
人遠山長言外意曲傳書恨醉時妝倩誰聞寄水雲  
鄉

前調

茉莉

韓流

滴滴瓊英發翠綃江梅標韻木香嬌乍涼時候鴈聲遙  
欲綰鬢絲妝未了半回身分曲初招霓裳依約夢魂

飄

前調

小集  
澗亭

韓流

雨閣雲流小院秋半醺涼意不關愁一番相見一番休  
淡竚乍持盃未淺嬾歌纔罷笑初收主賓無處著綢繆

前調 九日

汪莘

青女催人兩鬢霜自竊白酒作重陽方壺老子莫淒涼  
天地兩三蝴蝶夢古今多少菊花香只將破帽送秋  
光

前調

趙閣學餉蝸  
蟬酒春螺

方岳

半殼含潮帶靨香雙螯嚼雪迸臍黃蘆花洲渚夜來霜  
短棹秋江清到底長頭春甕醉為鄉風流不枉與詩  
嘗

前調

水仙

楊澤民

仙子何年下太空凌波微步笑芙蓉水風殘月助惺忪  
簪弟梅兄都在眼銀臺金鏡正當胸為伊一醉酒顏  
紅

前調

吳文英

曲角深簾隱洞房正嫌玉骨易愁黃好花偏占一秋香  
夜氣清時初傍枕曉光分處未開牕可憐人似月中  
霜

前調

陳允平

自別蕭郎錦帳寒鳳樓日日望平安杏花枝上露纔乾  
眉皺但嫌鈿翠墮臂銷惟覺釧金寬薄情楊柳帶征  
鞍

前調

陳允平

一枕華胥夢不成  
碧簫香潤玉醪傾  
日長花影過池亭  
雪藕臂寒鸚鵡較怯採菱歌  
發鶯頻驚白蘋洲上雨初晴

前調

陳允平

鬪鴨闌干燕子飛  
一堤春水漾晴暉  
女郎何處踏青歸  
生色鞦兒銷鳳穩  
碧羅衫子唾花微  
後期應待牡丹時

前調

陳允平

六幅蒲帆曉渡平一江星斗漸西傾  
離家纔是兩三程  
酒外野花如喚客  
樹頭春鳥自呼名  
五雲深處錦官城

前調

陳允平

柳底征鞍花底車  
兩行香淚濕紅襦  
別來鶯燕已春餘  
梳洗樓臺愁獨倚  
笙歌庭院醉誰扶  
捲簾閒看玉蟾蜍

前調

陳允平

十二珠簾繡帶垂柳煙迷暗楚江涯自攜玉笛凭丹梯  
寫恨鸞箋凝粉淚踏青鴛鞮濺金泥落紅深處乳鶯  
啼

前調

陳允平

睡起瞢騰小篆香素紈輕度玉肌涼竹深荷淨少炎光  
雨過亂蟬嘶古柳日斜雙鶯立閒塘更將心事自商  
量

前調

擬梅  
川

周密



蠶已三眠柳二眠雙竿初起畫秋千鶯攏風響十三絃  
魚素不傳新信息鸞膠難續好姻緣薄情明月幾番

圓

前調

周密

不下珠簾怕燕嗔旋移芳檻引流鶯春光却又早中分  
杏火無煙燃綠暗梨雲有雪冷清明冶遊天氣冶遊

心

前調

周密

絲雨籠煙織曉晴睡餘春酒未全醒翠鈿輕脫隱香痕  
生怕柳絲縈舞蝶戲拋梅彈打流鶯最難消遣是殘  
春

前調

墨水  
仙

張炎

昨夜藍田採玉游向陽瑤草帶花收如今風雨不須愁  
零露依稀傾鑿落碎瓊重疊綴搔頭白雲黃鶴思悠  
悠

前調

詞

張炎

半面妝凝鏡裏春同心帶舞掌中身因沾弱水褪精神  
冷豔喜尋梅共笑枯香羞與佩同紉湘皋猶有未歸  
人

前調

石孝友

柳岸梅溪春又生風枝斜裊雪枝橫空牽歸興惹離情  
灰盡寸心猶自熱淚承雙睫不能晴夢雲樓隔豫章  
城

前調

石孝友

迎客西來送客行  
堆堆歷歷短長亭  
人殘酒不能醒  
煙染暮山浮紫翠  
霜凋秋葉滿丹青  
憑誰圖寫入銀屏

前調

石孝友

幾曲屏山數幅波  
鴈聲斜帶夕陽過  
卸帆聊醉菊花坡  
旅枕夢魂歸路遠  
秋江風緊夜寒多  
薄情還解憶人麼

前調

石孝友

宿醉離愁慢髻鬟綠箋紅豆憶前歡錦江春水寄書難  
紅袖時籠金鴨暖小樓吹徹玉笙寒為誰和淚倚闌  
干

前調

張桂

雨壓楊花路半乾蜂遺花粉在闌干牡丹開盡正春寒  
嬾品么絃金鴈並瘦驚雙釧玉魚寬新愁不放翠眉  
閒

前調

張槃

習習輕風破海棠秋千移影上迴廊晝長蝴蝶為誰忙  
度柳早鶯分暖綠過花小燕帶春香滿庭芳草又斜

陽

前調

武進  
廳壁

楊彥齡

倦客東歸得自由西風江上泛扁舟夜寒霜月素光流  
想得故人千里外醉吟應上謝家樓不多天氣近中  
秋

前調

陳德武

月落桐梢杜宇啼  
雪埋芳樹鷓鴣飛  
夜闌分作送春詩  
山上安山經幾歲  
口中添口又何時  
相思一曲訴伊誰

前調

薛夢桂

柳映疎簾花映門  
春光一半幾銷魂  
新詩未了枕先溫  
燕子說來千萬恨  
海棠開到二三分  
小牕銀燭又黃昏

前調

桂

毛珮

綠玉枝頭一粟黃，碧紗帳裏夢魂香。  
曉風和月步新涼，吟倚畫闌懷李賀。  
笑持玉斧問吳剛，素娥不嫁為誰妝。

前調

趙君舉

疎蔭搖搖起岸移，鷺鷥點點過帆飛。  
船分水打嫩沙回，斷夢不知人去處。  
卷簾還有燕來時，日斜風緊轉灣西。

前調

江開



手撚花枝憶小蘋  
綠窗空鎖舊時春  
滿樓飛絮一箏塵  
素約未傳雙燕語  
新愁還入賣花聲  
十分春事情行  
雲

前調

寄劉  
總管

何夢桂

細柳連營綠蔭重  
暖風旗影颭蛇龍  
晝閒吟思入千峰  
紫綬金牌人綠鬢  
繡韉絲轡馬青驄  
會將三箭取侯  
封

前調

用前韻并  
簡二千戶

何夢桂

金紫山前山萬重山高雲密下蒼龍春來好雨徧三峰  
芳草郊原眠繭犢垂楊營壘繫花驄趨歸行有紫泥  
封

前調

李彭老

玉雪庭心夜色空移花小檻鬪春紅輕衫短帽醉歌重  
彩扇舊題煙雨外玉簫新譜燕鶯中闌干到處是春  
風

前調

瓜陂  
題壁

無名氏

翦碎香羅裊淚痕鷓鴣聲斷不堪聞馬嘶人去近黃昏  
整整斜斜楊柳陌疎疎密密杏花邨一番風月更銷魂

前調

宋媛

李清照

淡蕩春光寒食天玉爐沉水裊殘煙夢回山枕隱花鈿  
海燕未來人鬪草江梅已過柳生絲黃昏疎雨濕秋  
千

前調

李清照

繡幕芙蓉一笑開，斜偎寶鴨襯香腮。眼波才動被人猜。  
一面風情深有韻，半牋嬌恨寄幽懷。月移花影約重  
來。

前調

李清照

樓上晴天碧四垂，樓前芳草接天涯。傷心莫上最高梯。  
新筍已成堂下竹，落花都入燕巢泥。忍聽林表杜鵑  
啼。

前調

李清照

髻子傷春嬾更梳  
晚風庭院落梅初  
淡雲來往月疎疎  
玉鴨熏爐閒瑞腦  
朱櫻斗帳掩流蘇  
通犀還解辟寒無

前調

李清照

小院閒窗春色深  
重簾未捲影沉沉  
倚樓無語理瑤琴  
遠岫出雲催薄暮  
細風吹雨弄輕陰  
梨花欲謝恐難禁

前調

宋媛

李氏

無力薔薇帶雨低多情蝴蝶趁花飛  
流水飄香乳燕啼  
南浦魂銷春不管東陽衣減鏡先知  
小樓今夜月依依

前調

宋媛

朱淑真

露井天桃吐絳英春衣初試薄羅輕  
風和烟暖燕巢成  
滿院深簾閒不捲曲房朱戶悶長  
局惱人光景又清明

前調

朱淑真

卸下金釵一樣嬌  
背燈初解繡裙腰  
衾寒枕冷夜香消  
深院不關春寂寂  
落花和雨夜迢迢  
恨情和夢更無聊

前調

宋媛  
珍娘

溪霧溪煙溪景新  
溶溶春水淨無塵  
碧琉璃底浸春雲  
風颺游絲垂蝶翅  
雨飄飛絮濕鶯脣  
桃花片片送殘春

前調

慕容崑卿妻

滿目江山憶舊游  
汀花汀草弄春柔  
長亭擬住木蘭舟  
好夢易隨流水去  
芳心猶逐曉雲愁  
行人莫上望京樓

前調

劉仲尹

繡館人人倦踏青  
粉垣深處簸錢聲  
賣花門巷綠陰輕  
簾幙風柔飛燕燕  
池塘花暖語鶯鶯  
有誰知道一春情

前調

劉仲尹



貼體宮羅試袷衣冰藍嬌淺染東池春風一把瘦腰支  
戲鏤寶鈿呈翡翠笑拈金剪下醪醖最宜京兆畫新  
眉

前調

劉仲尹

萬疊春山一寸心章臺西去柳陰陰藍橋特為好花尋  
別後魚封煙漲闊夢迴鸞翼海雲深情知頓著有如  
今

前調

趙可

火冷熏爐香漸消更闌撥火更重燒愁心心字兩俱焦  
半世清狂無限事一牕風月可憐宵殘燈花落夢無  
聊

前調

趙可

擡轉爐熏自換香錦衾收拾却遮藏二年塵暗小鴛鴦  
落木蕭蕭風似雨疎櫺皎皎月如霜此時此夜最淒  
涼

前調

夢中  
作

王 礪

林樾人家急暮砧夕陽人影入江深倚闌踈快北風襟  
雨自青山明處黑雲從白鳥去邊陰幾多秋思亂鄉  
心

前調

李獻能

垂柳陰陰水拍堤欲窮遠目望還迷平蕪盡處暮天低  
萬里中原猶北顧十年長路却西歸倚樓懷抱有誰  
知

前調

贈歌者

趙孟頫

滿捧金卮低唱詞樽前再拜索新詩老夫慚愧鬢成絲  
羅袖染將新竹翠粉香須上小梅枝相逢不似少年  
時

前調

贈粉兒

詹正

淡淡青山兩點春嬌羞一點口兒櫻一梭兒玉一縞雲  
白藕香中見西子玉梅花下遇文君不曾真箇也銷  
魂

前調

顏奎

夢泊游絲畫影移水沉香宛紫煙微玉笙纔過畫樓西  
天上人間花事近鏡中翠壓兩山低又成春過感鶯  
啼

前調

崑山州城西小寺

宋 聚

落日吳江駐畫橈招提佳處暫逍遙海風吹面酒全消  
曲沼芙蓉秋的小山叢桂晚蕭蕭幾時容我夜吹

簫

前調

邵亨貞

西子湖頭三月天  
半篙新漲柳如煙  
十年不上斷橋船  
百媚燕姬紅錦瑟  
五花宛馬紫絲鞭  
年年春色暗相牽

前調

劉基

半畝荒園自看鋤  
雨中時復潏新蔬  
不須彈鋏歎無魚  
早息機心勞役少  
嬾聞世事往來疎  
清風明月總贏餘

前調

劉基

絳幘雞人紫綺裘彤墀欲報五更籌不勝嬌冶立清秋  
日影却穿雲氣入虹光猶帶露華流三千紅粉總凝  
眸

前調

劉基

細草垂楊邨巷幽白沙素石引溪流青苔磯上有扁舟  
門外好山開罨畫屋頭新月學簾鉤窗風一榻似清  
秋

前調

劉基

花壓闌干春晝長  
碧樓紅樹倚斜陽  
入門惟覺一庭香  
絕壁過雲開錦繡  
冰絲彈月夢清涼  
鸞歌鳳舞斷人腸

前調

劉基

語燕鳴鳩白晝長  
黃蜂紫蝶草花香  
滄江依舊遶斜陽  
泛水浮萍隨處滿  
舞風輕絮霎時狂  
清和院宇麥秋涼

前調

劉基



雲壓斜曛照樹黃  
風生水榭綠陰涼  
渴蛙得雨鬧池塘  
紅燄射人榴火炫  
青絲匝地柳條長  
捲簾明月滿迴

廊

前調

劉基

可怪西園木槿花  
強將孤豔鬪輕霞  
不知門外夕陽斜  
應有斷魂隨蛺蝶  
豈無幽恨寄寒鴉  
那堪橫被綠苔

遮

前調

初夏

楊基

幾卷斜封出舊窠  
藕絲柔梗上新荷  
衣裳輕薄試單羅  
煙淡淡中青草  
合雨絲絲裏綠陰  
多園林佳處是清  
和

前調 工已

楊基

軟翠冠兒簇海棠  
砑羅衫子繡丁香  
閒來水上踏青陽  
風暖有人能作伴  
日長無事可思量  
水流花落任匆  
忙

前調

楊基

小院迴廊曲更深一重楊柳一重陰夜長人靜漏沉沉  
雪白梨花千瓣玉雨黃梅子萬丸金清和天氣夏初  
臨

前調

花朝

楊基

鸞股先尋鬪草釵鳳頭新繡踏青鞵衣裳宮樣不須裁  
軟玉鏤成鸚鵡架泥金鑄就牡丹牌明朝相約看花  
來

前調

寒食

楊基

暖雨香雲百五天  
玉纖銀甲十三絃  
笑移羅幙上紅船  
照水再簪珠絡索  
背人重貼翠團圓  
安排花裏蹴秋  
千

前調

湯公讓

燕壘雛空日正長  
一川殘雨映斜陽  
鷓鴣晒翅滿魚梁  
榴葉擁花當北戶  
竹根抽笋出東牆  
小庭孤坐嬾衣  
裳

前調

張絃

風攪花陰舞扇羅疎簾清簟鬪湘波隔牆誰唱竹枝歌  
寶鼎裊雲秋意嫩玉簫吹月夜涼多今年新鴈信如  
何

前調

于儒穎

一片心情眼底柔倦容疎態越風流未經惆悵不知愁  
鴛譜怪來鍼線減工夫強半為梳頭日西初見下妝  
樓

前調

施紹莘

杜若芳洲淡淡煙一番花信又經年燕悲春盡亦呢喃  
燭影搖紅裁密信綺琴翻曲記奇緣惱人心性脫繇  
天

前調

施紹莘

手揭簾衣漾曉風小釭餘燦畫屏中有人羞倩拾鞦韆  
眉學蛾妝黃嫩點鬢偷鴉潤綠新籠耐人瞧覷面微  
紅

前調

夏復

柳色深深聽曉鶯  
玉闌愁倚夢分明  
閒花斜落小釵橫  
蝴蝶前生原夜合  
楊花身後作浮萍  
東風輕薄誤多情

前調

錢繼登

蟬避濃炎靜未譁  
東隣伊軋縹絲車  
豆棚瓜架野人家  
翠莢嫩堪浮茗氣  
黃雞肥欲待薑芽  
閒搔短髮日西斜

前調

錢繼章

春盡園林褪鬧紅，陰陰靜綠意從容。  
鬢眉俱碧住山翁。  
花捲半堦通履舄，柳開一面出簾櫳。  
管人間事是東風。

前調

客歸見  
柳花作

馮鼎位

渺渺煙雲古道斜，長亭遙望短亭賒。  
東風何事苦相遮。  
記得江梅纔入夢，却看楊柳近飛花。  
不知春色在誰家。

前調

馮鼎位



輕暖輕寒日易斜  
半山半水路方賒  
春深無影倩誰遮  
客路蕭蕭無好夢  
故園日日想開花  
去年雙燕已還家

前調

馮鼎位

綠滿池塘春漸輕  
惱人天氣過清明  
腰肢瘦損轉娉婷  
喚雨喚晴鳩不歇  
無拘無束夢難憑  
閒愁畢竟幾時停

前調

郊行

明媛

王鳳嫻

曲徑新篁野草香隨風閃閃蝶衣忙柳絲飛墮點衣裳  
人在景中憐日永燕翻波面舞春長小橋古渡半斜  
陽

前調

明媛

沈宜修

淡薄輕陰拾翠天細腰柔似柳飛絲吹簫閒向畫屏前  
詩句半緣芳草斷鳥啼多為杏花妍夜寒紅露濕秋  
千

前調

新月

明媛

葉小紈

纖影黃昏到小樓  
弱雲扶住柳梢頭  
捲簾依約見簾鉤  
妝鏡試開微露匣  
蛾眉學畫半含愁  
清光先自映波流

前調

明媛

葉小鸞

幾日東風倚畫樓  
碧天青靄半空浮  
韶光多半杏梢頭  
垂柳有情憐夕照  
飛花無計卻春愁  
但憑天氣困人休

前調

葉小鸞

竹徑煙迷薜荔牆好風搖曳弄垂楊無情啼鳥向人忙  
一曲瑤琴消午夢半爐沉水爇春香倚闌無語又斜

陽

前調

初夏

葉小鸞

香到酴醾送晚涼荇風輕約薄羅裳曲欄凭徧思偏長  
自是幽情慵捲幌不關春色惱人腸誤他雙燕未歸  
梁

前調

明媛

周蘭秀

雨過梧桐萬綠平  
模糊山色逐雲行  
飄飄鶯羽傍風迎  
茉莉小庭香落袂  
夢餘蕉影倚牕橫  
隔樓何處度簫聲


前調

又一體

南唐李煜

紅日已高三丈透  
金爐次第添香獸  
紅錦地衣隨步皺  
佳人舞點金釵溜  
酒惡時拈花蕊  
顛別殿遙聞簫鼓奏

御選歷代詩餘卷七



總校官庶吉士 臣 張能照

校對官庶吉士 臣 陳崇本

謄錄監生 臣 楊邦彥

欽定四庫全書薈要

集部

御選歷代詩餘卷八

詳校官編修臣汪鏞



欽定四庫全書薈要

御選歷代詩餘卷八目錄

起四十二字  
至四十四字

玉蝴蝶 又一體

孫光憲

清商怨

晏幾道

周邦彥

陳允平



醉垂鞭

張先

小桃紅

王惲  
二首

倪瓚

春光好  
又一體

程垓

歸國謠

溫庭筠

前調

又一體

顏奎

愁倚闌令

晏幾道

蔡伸

曾覲

程垓

歐良

石孝友

生查子 又一體

張泌

前調 又一體

陳亞

訴衷情 又一體

吳子孝

雪花飛

黃庭堅

酒泉子

又一體

牛嶠

前調

又一體

顧夔

前調

又一體

李珣

紗窗恨

又一體

毛文錫

中興樂

又一體

牛希濟

酒泉子

又一體

顧夔

前調

又一體

顧夔

前調 又一體

顧實

前調 又一體

李珣 二首

前調 又一體

李珣

前調 又一體

張泌

前調 又一體

張泌

傷春怨

王安石

霜天曉角

趙師俠

辛棄疾

韓元吉

曹冠

呂勝已

劉圻父

前調

又一體

林逋

趙長卿

范成大

周必大



甄龍友

張輯

謝懋

吳禮之

高觀國

蕭泰來

趙希彭

王澡

葛長庚

韓玉

前調

又一體

蔣捷

黃機

樓槃

二首

清商怨

又一體

晏殊

周邦彥

前調 又一體

沈會宗

歸國謠 又一體

韋莊 三首

小桃紅 又一體

王惲 二首

殿前懽

倪瓚

水仙子

倪瓚

減字木蘭花

歐陽修

晏幾道  
二首

蘇軾  
六首

黃庭堅  
六首

秦觀

毛滂

舒亶

二首

王安國

謝逸

謝邁

周邦彥

李祁

夏倪

李綱

朱敦儒

曾覿

范成大  
三首

陳三聘  
二首

吳儆  
三首

趙彥端

管鑑

汪莘

石孝友

魏氏  
二首

蔣氏

高士談

韓玉

李東陽

吳洪

趙寬

徐階

吳子孝  
二首

馮鼎位

馬瓊瓊

孟淑卿

巫山一段雲



毛文錫 二首

歐陽炯

李珣 二首

趙孟頫 五首

黃氏

霜天曉角 又一體

趙長卿

前調 又一體



御選歷代詩餘卷八目錄

欽定四庫全書薈要卷二萬六百八十六

集部

御選歷代詩餘卷八

起四十二字  
至四十四字

玉蝴蝶

又一體雙調

四十二字

玉蝴蝶

孫光憲

春欲盡景仍長滿園花正黃粉翅兩悠揚翩翩過短牆  
鮮飈暖牽游伴飛去立殘芳無語對蕭娘舞衫沉麝  
香

# 清商怨

晉樂府有清商曲唐舞曲有清商伎其聲最為凄  
惋調名以此又名傷情怨又名關河令雙調四十  
二字

## 清商怨

晏幾道

庭花香信尚淺最玉樓先暖夢覺香衾江南依舊遠  
迴文錦字暗翦謾寄與也應歸晚要問相思天涯猶自  
短

## 前調

周邦彥

枝頭風信漸小看暮鴉飛了又是黃昏閉門收返照  
江南人去路杳信未通愁已先到怕見孤燈霜寒催睡  
早

前調

陳允平

南枝春意正小籬菊都荒了帳底孤燈夜來還獨照  
沙洲煙翠渺渺謝塞鴻頻帶書到笑撚梅花今年開較  
早

醉垂鞭

雙調四

十二字

醉垂鞭

張先

雙蝶繡羅裙東池宴初相見朱粉不深勻聞花淡淡春  
細看諸處好人人道柳腰身昨日亂山昏來時衣上  
雲

小桃紅

一名平湖樂雙

調四十二字

小桃紅

王惲

秋風嫋嫋白雲飛人在平湖醉雲影湖光澹無際錦屏  
圓故人遠在千山外百年心事一尊濁酒長使此心  
違

前調

王惲

安仁雙鬢已驚秋更甚眉頭皺一笑相逢且開口玉為  
舟新詞澹似鵝黃酒醉歸扶路竹西歌吹人道是揚  
州

前調

倪瓚



一江秋水澹寒煙水影明如練眼底離愁數行鴈雪晴  
天綠蘋紅蓼參差見吳歌蕩槳一聲哀怨驚起白鷗  
眠

### 春光好

又一體雙調  
四十二字

### 春光好

程垓

春猶淺柳初芽杏初花楊柳杏花交映處有人家玉  
隄明暖烘霞小屏上水遠山斜昨夜酒多春睡重莫驚

他

歸國謠

雙調四

十二字

歸國謠

溫庭筠

香玉翠鳳寶釵垂景殺  
鈿筐交勝金粟越羅春水綠

畫堂照簾殘燭夢餘更漏促  
謝娘無限心曲曉屏山斷

續

前調

又一體

顏奎

春風拂拂簷花雙燕入少年湖上風日問天何處覓  
湖山畫屏晴碧夢華知夙昔東風忘了前跡上青蕪半  
壁

愁倚闌令

雙調四十二字亦春光好之別一體也

愁倚闌令

晏幾道

憑江閣看煙鴻恨春濃還有當年聞笛淚灑東風時  
候草綠花紅斜陽外遠水溶溶渾是阿蓮雙枕畔畫堂

中

前調

蔡伸

天如水月如鉤正新秋月影參差人窈窕小紅樓如  
今往事悠悠樓前水腸斷東流舊物忍看金約腕玉搔  
頭

前調

曾覲

心頭事不思量自難忘花底夢迴春漠漠恨偏長閒  
時多少韶光雕闌靜芳草池塘風急落紅留不住又斜

陽

前調

三榮  
道上

程垓

山無數雨蕭蕭路迢迢不似芙蓉城下去柳如腰  
夢隨春絮飄飄知他在第幾朱橋說與杜鵑休喚起怕魂  
銷

前調

歐良

東風惡宿雲凝忒無情合造梨花深院雨斷腸聲  
枕上春夢初醒紅窗外何處啼鶯已辨春游雙畫舫幾時

晴

前調

石孝友

淮水闊楚山長恨難量不道離愁人獨夜更天涼 佳  
節虛過重陽更籬下拆盡疎黃看取清溪三百曲是回  
腸

生查子

又一體雙調  
四十二字

生查子

張泌

相見稀喜相見相見還相遠檀畫荔枝紅金蔓蜻蜒軟  
魚鴈疎芳信斷花落庭陰晚可惜玉肌膚銷瘦成慵  
嬾

前調

又一體

陳亞

相思意已深白紙書難足字字苦參商故要檳榔讀  
分明記得約當歸遠至櫻桃熟何事菊花時猶未回鄉  
曲

訴衷情

又一體雙調  
四十二字

訴衷情

吳子孝

良宵喜見月華明  
風和雨又晴  
層雲如洗萬里湛空青  
人已靜睡初醒  
酒初行玉爐香暖  
寶檻花鮮春滿簾  
旌

雪花飛

雙調四  
十二字

雪花飛

黃庭堅



攜手青雲路穩天聲迤邐傳呼袍笏恩章乍賜春滿皇  
都何處難忘酒瓊花照玉壺歸嬾絲鞞競醉雪舞郊  
衢

酒泉子

又一體雙調  
四十二字

酒泉子

牛嶠

記得去年煙暖杏園花正發雪飄香江草綠柳絲長  
鈿車織手捲簾望省學春山樣鳳釵低鬟翠鬟上落梅

妝

前調

又一體

顧 覓

黛薄紅深約掠綠髮雲膩小鴛鴦金翡翠稱人心 錦  
鱗無處傳幽意海燕蘭堂春又至隔年書千點淚恨難  
任

前調

又一體

李 珣

秋月嬋娟皎潔碧紗窗外照花穿竹冷沉沉印池心  
凝露滴砌蛩吟驚覺謝娘殘夢夜深斜傍枕前來影徘徊

徊

紗牕恨

又一體雙調

四十二字

紗牕恨

毛文錫

雙雙蝶翅溼鉛粉  
啞花心綺牕繡戶  
飛來穩畫堂陰

二三月愛隨風絮  
伴落花來拂衣襟  
更翦輕羅片傳黃

金

中興樂

又一體雙調四十二字牛希濟  
詞有濕羅衣三字後亦以名調

### 中興樂

牛希濟

池塘暖碧浸晴暉濛濛柳絮輕飛紅蕊凋來醉夢還稀  
春雲空有鴈歸珠簾垂東風寂寞恨郎拋擲淚濕羅  
衣

### 酒泉子

又一體雙調  
四十三字

### 酒泉子

顧夔

掩却菱花收拾翠鈿休上面金蟲玉燕鎖香奩恨厭厭  
雲鬢半墜嬾重簪淚侵山枕濕銀燈背帳夢方酣鴈  
飛南

前調

又一體

顧 覓

水碧風清入檻細香紅藕膩謝娘斂翠恨無涯小屏斜  
堪憎蕩子不還家謾留羅帶結帳深枕膩炷沉煙負  
當年

前調

又一體

顧 覓

小檻日斜風度綠窗人悄悄翠帷閒掩舞雙鸞舊香寒  
別來情緒轉難判韶顏看却老依稀粉上有啼痕暗  
銷魂

前調

又一體

李 珣

寂寞青樓風觸繡簾珠碎撼月朦朧花黯淡鎖春愁  
尋思往事依稀夢淚臉露桃紅色重鬢敲蟬釵墜鳳思  
悠悠

前調

李 珣

雨漬花零紅散香凋池兩岸別情遙春欲斷掩銀屏  
孤帆早晚離三楚閒理鈿箏愁幾許曲中情絃上語不  
堪聽

前調

又一體

李珣

秋雨連絲聲散敗荷叢裏那堪深夜枕前聽酒初醒  
牽愁惹思更無停燭暗香凝天欲曙細和煙冷和雨透  
簾旌

前調

又一體

張泌

紫陌青門三十六宮春色御溝  
螿路暗相通杏園風  
咸陽沽酒寶釵空笑指未央  
歸去插花走馬落殘紅月  
明中

前調

又一體

張泌

春雨打牕驚夢覺來天氣曉  
畫堂深紅鮫小背蘭缸  
酒香噴鼻嬾開缸惆悵更無人  
共醉舊巢中新燕子語  
雙雙

傷春怨



雙調四

十三字

傷春怨

王安石

雨打江南樹一夜花開無數綠葉漸成陰下有遊人歸  
路與君相逢處不道春將暮把酒祝東風且莫恁匆  
匆去

霜天曉角

一名月當牕一名梅  
花令雙調四十三字

霜天曉角

三衛  
道中

趙師俠

雨餘風勁霧重千山暝茅屋寒林相映分明是畫圖景  
去程何日定天遠長安近喚起新愁無盡全沒箇故  
園信

前調

辛棄疾

吳頭楚尾一棹人千里休說舊愁新恨長亭樹今如此  
官遊吾倦矣玉人留我醉明日落花寒食得且住為  
佳耳

前調

題采石磯  
峨眉亭

韓元吉

倚天絕壁直下江千尺天際兩蛾凝黛愁與恨幾時極  
暮潮風正急酒闌聞塞笛試問謫仙何處青山外遠  
煙碧

前調

曹冠

水亭清絕擁翠環林樾湘簟宿筵乘興玉壺酒漾冰雪  
寶獸沉煙爇玉琴清韻徹夜永風微煙淡梧桐影碎  
明月

前調

題九  
里驛

呂勝己

曉來風作病怯春衫薄  
郭外溪山明秀紅塵裏自拘束  
村酒頻斟酌野花偏綽約  
十載人非物是驚回首夢  
初覺

前調

劉圻父

橫陰漠漠似覺羅衣薄  
正是海棠時候紗牕外東風惡  
惜春春寂寞尋花花冷落  
不會這些情味元不是念  
離索

前調

又一體  
梅花

林逋

冰清霜潔昨夜梅花發甚處玉龍三弄聲搖動枝頭月  
夢絕金獸焚曉寒蘭燼滅更捲珠簾清賞且莫掃堦  
前雪

前調 和梅

趙長卿

雪花飛歇好向前村折行至斷橋斜處寒蕊瘦不禁雪  
韻絕香更絕歸來人共說最愛夜堂深迴疎影占半  
牕月

前調 和梅

范成大

晚晴風歇一夜春威折脉脉花疎天淡雲來去數枝雪  
勝絕愁亦絕此情誰共說惟有兩行低雁知人倚畫  
樓月

前調

周必大

香莓徑滑縈繞秋曲折簾額紅搖波影魚驚睡暗吹沫  
浪闊輕棹撥武陵曾話別一點煙紅春小桃花夢半  
牀月

前調

題赤  
壁

甄龍友

峨眉仙客四海文章伯來向東坡遊戲人間世著不得  
去國誰愛惜在天何處覓但見樽前人唱前赤壁後  
赤壁

前調

張輯

看朱成碧曾醉梅花側相遇匆匆相別又爭似不相識  
南北千里隔幾時重見得最苦子規啼處一片月當  
牕白

前調

桂花

謝懋

綠雲翦葉低護黃金屑占斷花中聲譽香與韻兩清潔  
勝絕君聽說是他來處別試看仙衣猶帶金庭露玉  
階月

前調

吳禮之

西風又急細雨黃花濕樓枕一篙煙水蘭舟漾畫橋側  
念昔空淚滴故人何處覓魂斷菱歌淒怨疎簾卷暮  
山碧

前調

高觀國



春雲粉色春水和雲濕試問西湖楊柳東風外幾絲碧  
望極連翠陌蘭橈雙槳急欲訪莫愁何處旗亭在畫  
橋側

前調

梅

蕭泰來

千霜萬雪受盡寒磨折賴是生來瘦硬渾不怕角吹徹  
清絕影也別知心惟有月元沒春風情性如何共海  
棠說

前調

桂

趙希彭

姮娥戲劇手種長生粒寶幹婆婆千古飄芳吹滿虛碧  
韻色檀露滴人間秋第一金粟如來境界誰移在小  
亭側

前調

梅

王 澡

疎明瘦直不受東皇識留與伴春應肯千紅底怎著得  
夜色何處笛曉寒無奈力飛入壽陽宮裏一點點有  
人惜

前調

綠淨  
堂

葛長庚

五羊安在 cities 何曾改十萬人家闌闌東亦海西亦海  
歲歲蒲澗會地接蓬萊界老樹知他一切千山外萬  
山外

前調

韓玉

竹籬茅屋一樹扶疎玉客裏十分清絕有人在江南北  
竚目詩思促翠袖倚修竹不是月媒風聘誰人與伴  
幽獨

前調

又一體

蔣捷

人影總紗是誰來折花折則從他折去知折去向誰家  
簷牙枝最佳折時高折些說與折花人道須插向鬢  
邊斜

前調

黃機

玉粲冰寒月痕侵畫闌客裏安愁無地為徒倚到更殘  
問花花不言嗅香香欲闌消得箇溫存處山六曲翠  
屏間

前調

梅

樓槃

月澹風輕黃昏未是清吟到十分清處也不啻二三更  
曉鐘天未明曉霜人未行只有城頭殘角說得盡我  
平生

前調

梅

樓槃

翦雪裁冰有人嫌太清又有人嫌太瘦都不是我知音  
誰是我知音孤山人姓林一自西湖別後辜負我到  
如今

清商怨

又一體雙調

四十三字

清商怨

晏殊

關河愁思望處滿  
漸素秋向晚雁過南雲  
行人回淚眼  
雙鸞衾裯悔展夜  
又永枕孤人遠  
夢未成歸梅花聞  
塞管

前調

周邦彥

秋陰時作漸向暝  
變一庭淒冷佇聽寒聲  
雲深無鴈影  
更深人去寂靜  
但照壁孤燈相映  
酒已都醒如何消

夜永

前調

又一體

沈會宗

城上鴉啼斗轉漸玉壺冰滿月淡寒梅清香來小苑  
誰遣鸞簫寫怨翻錦字疊疊和愁卷夢破蘆笳江南煙  
樹遠

歸國謠

又一體雙調  
四十三字

歸國謠

韋莊

金翡翠為我南飛傳我意  
畚畫橋邊春水幾年花下醉  
別後只知相愧淚珠難遠寄  
羅幕繡幃鴛被舊歡如  
夢裏

前調

韋莊

春欲晚戲蝶遊蜂花爛漫  
日落謝家池館柳絲金縷斷  
睡覺綠鬟風亂畫屏雲雨散  
閒倚博山長歎淚流霑  
皓腕

前調

韋莊



春欲暮滿地落花紅帶雨惆悵玉籠鸚鵡單棲無伴侶  
南望去程何許問花花不語早晚得同歸去恨無雙  
翠羽

小桃紅

又一體雙調  
四十三字

小桃紅

王 惲

秋風湖上水增波水底雲陰過憔悴湘纍莫輕和且高  
歌 凌波幽夢誰驚破佳人望斷碧雲暮合道別後意

如何

前調

王惲

采蓮人語隔秋煙波靜如橫練  
入手風光莫流轉共留連  
畫船一笑春風面江山信美終非吾土問何日是  
歸年

殿前懽

雙調四  
十三字

殿前懽

倪瓚

搵啼紅杏花消息雨聲中十年一覺揚州夢春水如空  
雁波寒寫去踪離愁重南浦行雲送冰絃玉柱彈怨  
東風

水仙子

雙調四  
十四字

水仙子

倪璿

東風花外小紅樓南浦山橫眉黛愁春寒不管花枝瘦  
無情水自流 簷間燕語嬌柔驚回幽夢難尋舊遊落

日簾鈎

減字木蘭花

雙調四十四

字平仄互叶

減字木蘭花

歐陽修

樓臺向曉澹月低雲天氣好翠幕風微宛轉涼州入破  
時香生舞袂楚女腰肢天與細江粉重勻酒後輕寒  
不著人

前調

晏幾道

長亭晚送都似綠  
窓前日夢小字還家  
恰應紅燈昨夜  
花良時易過半鏡  
流年春欲破往事  
難忘一枕高樓  
到夕陽

前調

晏幾道

留春不住恰似年  
光無味處滿眼飛  
英彈指東風太淺  
情箏絃未穩學得  
新聲難破恨轉枕  
花前且伴香紅  
一夜眠

前調

荔枝

蘇軾

閩溪珍獻過海雲帆來似箭玉座金盤不貢竒葩四百年  
輕紅軟白雅稱佳人纖手擘骨細肌香恰似當年  
十八娘

前調

雙松上絡  
凌霄花

蘇軾

雙龍對起白甲蒼髯煙雨裏疎影微香下有幽人晝夢  
長湖風清軟雙雀飛來爭噪晚翠颭紅輕時下凌霄  
百尺英

前調

蘇軾

曉來風細不會鵲聲來報喜却羨寒梅先覺春風一夜  
來香箋一紙寫盡回文機上意欲捲重開讀徧千迴  
與萬迴

前調

蘇軾

春牛春仗無限春風來海上便與春工染得桃花似肉  
紅春幡春勝一陣春風吹酒醒不似天涯捲起揚花  
似雪花

前調

蘇軾

玉房金蕊宜在玉人纖手裏澹月朦朧更有微微弄袖  
風 温香熟美醉鬢雲纒垂兩耳多謝春工不是花紅  
是玉紅

前調

琴

蘇軾

神閒氣定萬籟收聲天地靜玉指冰絃未動宮商意已  
傳 悲風流水寫出寥寥千古意歸去無眠一夜餘音  
在耳邊

前調

黃庭堅



巫山古縣老杜淹留情始見撥悶題詩千古神交世不  
知雲陽臺下更值清明風雨夜知道愁辛果是當時  
作賦人

前調

黃庭堅

詩翁才刃曾陷文場貔虎陣誰敢當哉況是焚舟決勝  
來三巴春杪客館夢回風雨曉胸次崢嶸欲共潮頭  
赤甲平

前調

黃庭堅

餘寒爭令雪共臘梅相照映昨夜東風已出耕牛勸歲  
功 陰陰暮暮近覺去天無幾尺休恨春遲桃李梢頭  
次第知

前調

黃庭堅

中秋無雨醉送月銜西嶺去笑口須開幾度中秋見月  
來 前年江外兒女傳杯兄弟會此夜登樓小謝清吟  
慰白頭

前調

登巫山  
縣樓

黃庭堅

襄王夢裏草綠煙深何處是宋玉臺頭暮雨朝雲幾許  
愁飛花漫漫不管羈人腸欲斷春水茫茫欲渡南陵  
更斷腸

前調

秋夜點  
守席上

黃庭堅

舉頭無語家在月明深處住擬上摩圍最上峰頭試望  
之偏憐絡秀共苦同甘誰更有想見牽衣月到愁邊  
總未知

前調

秦觀

天涯舊恨獨自淒涼人不問欲見迴腸斷續金爐小篆  
香黛蛾長斂任是東風吹不轉困倚危樓過盡飛鴻  
字字愁

前調

留賈  
耘老

毛滂

曾教風月催促花邊煙棹發不管花開月白風清始肯  
來既來且住風月閒尋秋好處收取淒清暖日闌干  
助夢吟

前調

戲吳  
奉議

舒亶

眉山斂額往事追思空手拍鴈字頻飛生怕人來說著  
伊閒拋繡履愁殫香衾渾不起莫似揚州只作尋常  
薄倖休

前調

賦錦  
帶花

舒亶

碎紅如繡搖曳東風垂綵綬擬倩柔條約住佳人細柳  
腰蜀江春綠爭似枝頭能結束纖手攀時欲綰同心  
寄與誰

前調

王安國

畫橋流水雨濕落花飛不起月破黃昏簾裏餘香馬上  
聞徘徊不語今夜夢魂何處去不似垂楊猶解飛花  
入洞房

前調

謝逸

荷花風細乞巧樓中涼似水天幕低垂新月彎環淺暈  
眉橋橫烏鵲不負年年雲外約淺漏疎鐘腸斷朝霞  
一縷紅

前調

贈恭妓  
宋瑤

謝道

風篁度曲倦倚銀屏初睡足清簟疎簾金鴨香消嬾更  
添纖纖露玉風電縱橫飛鈿局顰斂雙蛾凝竚無言  
密意多

前調

周邦彥

風驟霧縈使覺蓬萊三島近水秀山明縹緲仙姿畫不  
成廣寒丹桂豈是天桃塵俗世只恐乘風飛上瓊樓  
玉宇中

前調

李祁

梨花院宇澹月微雲初過雨一枕輕寒夢入西瑤小道  
山花深人靜簾鎖香煙清晝永紅藥闌干玉案春風  
窈窕間

前調

登浩  
臺作

夏倪

江涵曉日蕩漾波光搖槳入笑指浯溪漫叟雄文鎖翠  
微休嗟不偶歸到中州何處有獨立風煙湘水浯臺  
總接天

前調

讀神  
仙傳

李綱



茫茫雲海方丈蓬壺何處在擬泛輕舟一到金黿背上  
遊 瓊樓珠室千歲蟠桃初結實月冷風清試倩雙成  
吸玉笙

前調

聽琵琶

朱敦儒

劉郎已老不管桃花依舊笑要聽琵琶重院啼鶯覓謝  
家 曲終人醉多似潯陽江上淚萬里東風一望山河  
落照紅

前調

宴賞賜  
牡丹作

曾覲

一聲杜宇滿地落紅愁不語國色春嬌不逐風前柳絮  
飄珠簾休捲愛惜龍香藏粉豔勝友俱來同醉君恩  
倒玉杯

前調

雪

范成大

玉煙浮動銀闕三山連海凍翠袖闌干不怕樓高酒力  
寒雙松凍折忽憶衰翁容易別想見鷗邊壓損年時  
小釣船

前調

范成大

枕書睡熟珍重月明相伴宿寶鴨金寒香滿圍屏宛轉  
山雞人聲杳瑤井玉人相對曉點淡窗紗却下風簾  
護燭花

前調

范成大

殷勤舉白昨夜東風猶有雪莫恨春遲曾見梅花第一  
枝陰晴未決早晚清明新火活夢遶秦樓欲趁歸潮  
上客舟

前調

陳三聘

凝雲不動玉海無聲千丈凍來倚闌干襟袖憑虛徹骨  
寒歸心易折後夜月明應恨別卷畫圖邊著我披蓑  
上釣船

前調

陳三聘

臘前三白春到西園還見雪紅紫花遲借作東風萬玉  
枝歸田計決麥飯熟時應快活身在高樓心在山陰  
一葉舟

前調

中秋獨與  
靜之飲

吳儆

碧梧秋老滿地琅玕紛不掃門掩黃昏惟有年時月照  
人淒涼滿眼肯作六年燈火伴莫說淒涼來歲如今  
天一方

前調

朱子淵見和  
次韻為謝

吳儆

思君欲老一榻塵生誰與掃祿仰晨昏同是遲遲去曾  
人行當洗眼看子青藜來夜伴莫變炎涼斬馬還須  
請上方

前調

吳儆

此身已老三徑都荒長却掃面目塵昏怕著朝章揖貴  
人難瞞明眼只有青山堪作伴觸事心涼無病何勞  
更覓方

前調

趙彥端

亂雲縈浦作雪不成還是雨知我為何一笑仍添一恨  
多不須歸去琥珀杯深能幾許草色如袍記取從今  
舞處嬌

前調

唐守  
生日

管鑑

亂花飛絮却是一年春好處  
留住韶光共醉蓬萊日月  
長翻塔紅藥天上東風傳  
近約綠徧庭槐看取除書  
一併來

前調

汪莘

詩家清絕簷外森然蒼玉節  
學易無思一笑牕前白玉  
妃何人共說山上青松松上雪  
更有誰知溪在門前  
月在溪

前調

贈何藻

石孝友

新荷小小比目魚兒翻翠藻小小新荷點破清光景趣  
多青青半捲一寸芳心渾未展待得圓時草定鴛鴦  
一對兒

前調

宋媛

魏氏

西樓明月掩映梨花千樹雪樓上人歸愁聽孤城一雁  
飛玉人何處又見江南春色暮芳信難尋去後桃花  
流水深

前調

魏氏



落花飛絮杳天涯人甚處欲寄相思春盡衡陽雁漸  
稀離腸淚眼腸斷淚痕流不斷明月西樓一曲闌干  
一倍愁

前調

題雄  
州驛

宋媛

蔣氏

朝雲橫度轆轤車聲如水去白草黃沙月照孤村三兩  
家飛鴻過也百結愁腸無晝夜漸近燕山回首鄉關  
歸路難

前調

高士談

西湖睡起飛絮遊絲春老矣漲綠涵空十頃玻璃四面  
風平時事少天與湖山供坐嘯他日西州却怕羊曇  
感舊游

前調

韓玉

香檀素手緩理新詞來伴酒音調淒涼便是無情也斷  
腸莫歌楊柳記得渭城朝雨後客路茫茫幾度東風  
蕙草長

前調

李東陽

危峰欲墮巖背老翁方穩坐落葉無聲樹底風來了不  
驚祇緣詩癖縱有閒心閒未得剛道忙來世事何曾  
一掛懷

前調

吳洪

雪花飄了待得梅花來索笑雪白梅香看盡千林興倍  
長扶筇散步拾得灞橋清絕句歲歲年年梅雪催人  
到酒邊

前調

姚江  
阻雨

趙寬

黑風吹水水拍船頭行復止白雨橫秋色蕭森動客  
愁 踈鐘何處知在前邨黃葉樹茅屋誰家荒徑無人  
菊自花

前調 贈別

徐階

平涼何處匹馬孤城悲遠去薊樹秦雲何日論文吏對  
君 邊塵作惡利器盤根剛過著看取功成政事文章  
二美并

前調

送友使  
武林

吳子孝

西湖春好勝地莫教辜負了畫舫清謳柳暗花明水似  
油六橋東畔應有遊人來共看玉節珠袍天遣仙郎  
下九霄

前調

吳子孝

青山無數雲擁金昌亭下路十月溪堂竹外梅花已試  
香嘉賓旨酒笑指青山來獻壽百歲平安人共梅花  
老歲寒

前調

馮鼎位

長亭淒絕去歲傷秋曾送別楊柳灣頭一曲煙波一曲  
愁高城何許正在歸鴻欲沒處落照東風人倚朱闌  
第幾重

前調

題梅  
雪扇

明媛

馬瓊瓊

雪梅妬色雪把梅花相抑勒梅性溫柔雪壓梅花怎起  
頭芳心欲訴全仗東君來作主傳語東君早與梅花  
作主人

前調

明媛

孟淑卿

銀河如畫料峭黃花寒越瘦小立闌干滿砌花陰怯步  
還當年劉阮天台重訪桃花亂怪道而今眼底眉頭  
剩月明

巫山一段雲

漢鏡歌巫山高為思歸詞後蜀毛文錫撰此調與  
菩薩蠻之別名巫山一片雲者無涉雙調四十四  
字

巫山一段雲

毛文錫

雨霽巫山上雲輕映碧天遠風吹散又相連十二晚峰

前  
暗濕啼猿樹高籠過客船朝朝暮暮楚江邊幾度  
降神仙

前調

毛文錫

貌掩巫山色才過濯錦波阿誰提筆上銀河月裏寫婦  
娥  
薄薄施鉛粉盈盈挂綺羅菖蒲花役夢魂多年代  
屬元和

前調

歐陽炯

絳闕登真子飄飄御彩鸞  
碧虛風雨珮光寒  
斂袂下雲



端月帳朝霞薄，星冠玉葉攢。遠遊蓬島，降人間，特地拜龍顏。

前調

李珣

有客經巫峽，停橈向水湄。楚王曾此夢瑤姬。一夢香無期。塵暗珠簾卷，香銷翠幄垂。西風回首不勝悲。暮雨灑空祠。

前調

巫峽

李珣

古廟依青嶂，行宮枕碧流。水聲山色鎖妝樓。往事思悠

悠雲雨朝還暮煙花春復秋啼猿何必近孤舟行客  
自多愁

前調

樓鳳  
峰

趙孟頫

芍藥虛投贈丁香漫結愁鳳來鸞去兩悠悠新恨怯逢  
秋山色驚心碧江聲入夢流何時絃管簇歸舟蘭棹  
泊沙頭

前調

翠屏  
峰

趙孟頫

碧水澄青黛危峰聳翠屏竹枝歌怨月三更別是斷腸

聲 煙外黃牛峽雲中白帝城  
扁舟清夜泊蘋汀倚棹  
不勝情

前調

淨壇峰

趙孟頫

疊嶂千層碧長江一帶清  
瑤壇霞冷月朧明  
敲枕不勝情  
雲過船牕曉星移宿霧晴  
古今離恨揆難平  
惆悵峽猿聲

前調

松鶴峰

趙孟頫

松鶴堆嵐靄陽臺枕水濱  
風清月冷好花時  
惆悵阻佳

期 別夢愁蝴蝶離歌怨竹枝悠悠往事不勝悲春夢  
入雙眉

前調

雲霞  
峰

趙孟頫

碧水鴛鴦浴平沙豈寇紅雲霞峰翠一重重帆卸落潮  
風 澹薄雲籠月霏微雨洒蓬孤舟晚泊浪聲中無處  
問音容

前調

明媛

黃氏

巫女朝朝豔楊妃夜夜嬌行雲無力困纖腰媚眼暈紅

潮阿母梳雲髻檀郎整翠翹起來羅韞步蘭苔一見  
又魂銷

霜天曉角

又一體雙調

四十四字

霜天曉角

趙長卿

閣兒幽寂處圍爐向小牕好是鬪頭兒坐梅煙炷返魂  
香對火怯夜冷猛飲消漏長飲罷且須自卧斜月照  
滿林霜

前調

又一體

趙長卿

玉清冰樣潔幾夜相思切誰料濃雲遮湧同心帶甚時  
結 匆匆休惜別還有來時節記取江陰歸路須共踏  
夜深月

前調

又一體

吳文英


煙林退葉紅偶藉遊人屨十里秋聲松路嵐雲重翠濤  
涉 竚立閒素筆畫屏羅嶂疊明月雙成歸去天風裏  
鳳笙泅

酒泉子


又一體雙調  
四十四字

酒泉子

顧覓

  
紅羞掩映畫堂春欲暮殘花微雨隔青樓思悠悠  
非時節看將度寂寞無人還獨語畫羅襦香粉污  
不勝愁

御選歷代詩餘卷八



總校官庶吉士臣張能照

校對官庶吉士臣陳崇本

謄錄監生臣楊邦彥